


# 献徴録

九十六下之七上

百廿八



漢書門	八九七	六四七	一五七
類	函	架	冊

漢書	八九七	一五七	三三七
類	冊	架	函

内閣文庫	
番號	漢 3987
冊數	157 (124)
函號	287 153



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



綴じ部(喉部分)の文字など開きが不鮮明な箇所あり






論

濟陽縣學教諭王省傳

附子

忠節錄



王省字子職江西吉水人洪武五年領鄉薦至京詔  
免會試命吏部次第擢用省以親老乞歸養尋以文

學徵

太祖親試稱旨當殊擢省自陳才薄親老乞

便養得浮梁教諭丁艱起復改睢陽凡八年又改濟

陽請難兵至省為游兵所執從容引譬詞義慷慨眾

舍省省歸坐明倫堂伐鼓聚諸生謂曰若等知此堂

何為名明倫今且勿多論只說君臣之義何如遂大

哭諸生亦哭省以頭觸柱死女適邑人周鳳岐從之

大政

卷之二十六

五十三



官卽墨簿聞靖難兵至濟陽女逆之父必死泣曰吾父必不生矣請于夫遣人往凡三往竟得其遺骸歸葬後有司祀之學宮子禎爲燕所迫判亦抗節死云

焦太史編輯國朝獻徵錄卷之九十六  
山西  
布政使  
張賢  
謝佑  
林應標  
李國士  
叅政  
彭通  
李騫  
祝顥

焦太史編輯國朝獻徵錄卷之九十七目錄

山西

布政使

張賢

謝佑

林應標

李國士

叅政

彭通

李騫

祝顥



樊英

丘璐

郭桂

張敏

華津

王納諫

王獻

栗祁

叅議

黃常祖

王璠

李景繁

胡琮

韓邦靖

按察使

楊基

徐永達

副使

朱瑄

吳道寧

馬應祥

王九峰

程紳

胡賓

劉涇

南逢吉

趙祖元

僉事

劉珏

孫博

暢華

喬岱

孫璽

張時

獻徵錄

卷之九十七目錄

二



知府

張賢

知州

何忠

呂昭

王汝績

張廉

李愚

陸偉

知縣

吳傑

學正

曹端

教諭

張敏

日錄終

獻徵錄

卷之九十七目錄



焦太史編輯國朝獻徵錄卷之九十七

山西

布政使

山西布政司右布政使張公賢墓碑

公姓張氏諱賢字思齊予鄆道安里人也居縣北衙道村家世業農父諱宣配王氏貳室劉氏生公公自少磊磊有氣節嘗讀書里塾既又棄去躬稼穡久之年瀕三十矣一日爲里中人所困公豪邁人也氣霍霍不能堪乃拊几嘆曰嗟乎丈夫當自樹立羣小侮我齊民耳不學何爲乃復取舊書讀之尋入爲學官



弟子從師取友朝夕淬礪或時廢食寢踰數年而承樂乙酉舉鄉試矣其性敏而志篤如此屢赴會試次第謁選授吏部司務薦陟驗封司郎中云公在部剛廉自持權貴不避關節不通親友餽遺一無所取部中呼爲板張蓋言其節之堅也三載考績誥贈其父如已官母俱贈宜人云少子綱徒步入京師省問公見之怒曰農務方殷汝來何爲此中何所有而汝來也居旬日遣歸戒之曰勿復來也當是時國有戎事山西例輸餽踰期不至朝使往督者或以才屈罷或以賄敗當道忌公者欲中傷之乃以公往公至執其

奸惡者數輩痛懲之乃定期曰不輸者如此罰輸者前此亦聞公名見其威令如此咸股慄爭輸之無後者果及期完矣事竣返命天子嘉悅超拜山西右布政使比視事令出而人信不戒而民集威惠並流遠邇悅服以爲數十年來旬宣之政未有如此者長子紀徒步入太原道過曲沃曲沃令見其良苦以一驢送之旣見公公怪其跨驢也詰之曰奚從得此紀不敢隱其實對公怒痛箠紀還令驢仍正其罪云公一日浩然歎曰老且至吾盍歸乎當是時吏部方以都御史擬公疏未及上公投牒而西矣旣歸林下



舊廬數楹僅庇風雨布袍蔬食無異寒素秦藩一叅  
議公部中舊僚也見其用乏以其所餘俸米輿送之  
公固謝曰田入自足用此君養廉之資不敢拜賜仍  
遣之輿歸嗚呼此豈直子郭之罕覩哉居嘗教子孫  
曰資性可讀書者教之讀其不能者盡歸之農慎勿  
爲吏壞身心辱門戶也閱數載老疾卒餘資僅具棺  
殮葬村之西北隅祖塋方臥病時語其二子曰身後  
毋納賻傷我節毋作誌表虛譽失我真毋聽人言作  
石獸器物侵我墓二子于是奉其遺命不敢違

山西左布政使丘公陵傳

朱睦㮮

丘陵字志高蘭陽人也宣德四年舉鄉試第一明年  
授咸陽教諭遷平鄉知縣凡所施設不憚勞苦邑有  
漳水暴悍衝決數爲民害地卑且無城郭陵築城又  
築長堤數十里以障水民得播種堤上復植雜樹以  
固基土木之變民恃以無恐故至今目其堤曰丘公  
堤云山西歲饑流民入境陵拊循之給以閒田使食  
其力民歸之者千餘戶先是廟學傾圯陵撤而新之  
又爲諸生嚴立課程時加考閱其俊偉者則別館之  
日給薪米膏燭以勗其成邑之鄉社十二亦各立學



擇師以教之於是絃誦之聲遠乎閭里在邑數年諸廢皆舉值家艱歸民攀留不得乃預計服闋之日詣闕請復任從之又數年景皇卽位以廷臣薦擢淮安知府天順四年陵入覲以政績卓異特賜錦衣寶鏹仍命張宴禮部以示褒勸累擢山西左布政使成化初李秉爲吏部尚書執法不阿學士彭華從子求京秩不得憾秉嗾同鄉給事中蕭彥莊誣劾陵坐逮乃上疏奏辯事白彥莊免官陵亦致仕後二十年平鄉百上思之爲立碑出貲相事者如市淮民亦追念相率設土於名賢祠歲時致祭焉又採諸善政民謔撰遺惠集刻於郡中陵性清約未嘗有姬妾之

讀書老而不倦所著有嬰教聲律二十卷芸菴集三十卷藏于家子輅山西布政司左叅政



唐書卷一百一十五 卷之七十一  
中奉大夫山西布政使司右布政使謝公信  
道碑銘  
公諱佑字廷佐姓謝氏世居安慶桐城之清淨鄉曾  
祖惠一號添錫祖住慶值元季世亂有乘時入鄉劫  
掠殺人者公從容諭止解其所縛而縱之賴全者衆  
世稱其有陰德逮入 聖朝天下平定卽鄉之朱清  
波葺舊廬以居樂善好施鄉人號爲心善先生父永  
富母王邁疾刲股和粥愈之人謂之孝子妣錢氏有  
懿德生二子長俛次卽公也公天姿雋爽幼有巨志  
父早卒家貧錢躬紡織以拊之嘗牧牛田野間每袖

中奉大夫山西布政使司右布政使謝公信

道碑銘

公諱佑字廷佐姓謝氏世居安慶桐城之清淨鄉曾  
祖惠一號添錫祖住慶值元季世亂有乘時入鄉劫  
掠殺人者公從容諭止解其所縛而縱之賴全者衆  
世稱其有陰德逮入 聖朝天下平定卽鄉之朱清  
波葺舊廬以居樂善好施鄉人號爲心善先生父永  
富母王邁疾刲股和粥愈之人謂之孝子妣錢氏有  
懿德生二子長俛次卽公也公天姿雋爽幼有巨志  
父早卒家貧錢躬紡織以拊之嘗牧牛田野間每袖



書於牛背上讀人咸異之甫成童縣尹欲舉民秀增  
廣學校生員時贈知州章公某封員外郎黃公子清  
俱爲庠生共舉公族長之子以充族長度子弗堪集  
族子弟問孰願爲皆默然公獨應曰吾願往母惜之  
爲泣下公慰母曰兒得爲秀才不愈於牧牛乎遂補  
庠生寓員外公所拜爲師員外公教之習字肄業公  
遽知用功日進一日竊朱書欲求生富貴須下死工  
夫十字於几員外公忽見陽斥而陰重之教諭冷公  
暄初至選公聰敏者數輩在意訓迪日授書數千言  
公讀不過二三十遍輒能背誦冷公深期待之諸生

遇假日多事佚遊公獨理課業於史志諸書無不博  
覽工詩賦及駢儷之文不泛交際遇益友必執贄以  
求講訂知州公愛如已子供其所費不靳習詩經患  
無師傳賴南昌朱孔修先生引拜吉水尹司正先生  
得經義百餘篇以爲式自是融化成文越三載經書  
豁然通貫宣德乙卯遂領京闈鄉薦正統丙辰登進  
士第觀政刑部邑自國朝開科以來無登進士者登  
進士自公始舉邑咸歎慕之丁巳授本部陝西司主  
事讞獄公恕已未秋以疾辭歸辛酉疾愈赴京壬戌  
春調戶部四川司主事蒞政有能聲命解官銀萬鎰



赴遼東糴糧以實邊庾陞署本部廣西司員外郎景泰改元賜勅獎美贈考如公官妣封太安人妻封安人迎太安人就養官舍己巳秋比虜入寇以公有風力改監察御史奉勅出鎮大名練兵保境以爲京師聲援公至修城垣造器械拊流移訓士卒號令嚴明百度振舉軍民帖然事定還朝陞署本司郎中復奉勅往督山西邊儲接濟大同宣府事還與實授未幾陞廣東布政使司右叅政天順改元復賜勅褒美加封贈其父母如制尋陞河南左叅政戊寅陞山西右布政使公蒞官慎勤存心仁厚凡所設施務使民沾

實惠前後志操始終一致兩主提調科場士類公道成化丙戌年方五十有六苦風疾具疏懇乞致仕歸家杜門養和不干世務奉觴壽母樂其天倫爲人器宇軒豁脫略羈馭絕無町畦發言談笑一座盡傾好評論人物窮其底裏人多服其至當作文雅淡詩有唐人風致書簡得歐蘇體有宦遊藁藏于家晚於祖基作室爲佚老所鑿池養魚開圃蒔蔬周垣植以嘉樹客至則開宴堂中觴詠爲歡或散步園池以爲適己丑太恭人以壽終公哀毀喪葬一依文公家禮不用釋老二教鄉人化之庚寅春至邑中訪故舊



嘉靖己酉十一月六日山西左布政使蒲山張公文奎墓誌  
首謁文廟次造員外知州二公家分惠俸金以酬舊  
德遂數日還鄉而風疾復作矣享年六十

結育專人風姪書簡野烟藉豔育守或榮蒸于家卯  
與孩信倫人幽竄其知稟人多如其至當并文振效  
人器宇神精烈智羅肆絲無田起發言辯笑一室盡  
甘糲案林門養味不干世絲奉酬壽丹樂其天命  
公遊劫外丙丸平六正十育六苦風疾具蔬家之  
曾以而公志熱故絲一從兩土與歸採製

中奉大夫山西左布政使蒲山張公文奎墓誌

銘

許宗魯

嘉靖己酉十一月六日山西左布政使蒲山張公卒  
于家公源出山西五臺縣後遷介休縣再遷河南靈  
寶縣元末諱善者始遷陝西洛川縣善生巖巖生福  
福生封文林郎兵馬副指揮貴貴生山西保德州知  
州郁郁配贈太宜人緜氏生義官文翼繼配封太宜  
人任氏生公公行居二諱文奎字應光蒲山其別號  
也生有至性聰敏過人而篤信力行不事華飾始受  
學于鄉之孫先生年十二能文章遂菴楊公督學試



補縣學生員歷試學臺皆列首選正德丙子以詩經  
舉于鄉明年丁丑舉進士試政吏部已卯授刑部廣  
東司主事無何丁外艱嘉靖甲申服闋復除江西司  
丙戌晉貴州司署員外郎其在部署躬勤聽斷據法  
原情不撓權勢不侮寡弱稱明允焉某年陞四川按  
察司僉事先時芒部弗賓叛服無常公理其事親涉  
夷境論以革流復土事由夷民歸化時蜀地屢饑振  
施惟殷乃遍履荒遐若滇若貴至皆再三不以難苦  
避遜適有貴宦謫居行頗不法公繩約以憲略不假  
借致有流言以蔽其賢已丑考察量移山西按察司

督理屯田是年始受主事考績之封保德公秩崇從  
本階緱任從夫階誥贈封俱宜人公與厥配王受勅  
命王封安人云時叅將某違例占種人不敢誥公按  
劾不貸屯政就理尋以賢能膺薦再奉璽書飭兵石  
隰武備聿脩癸巳考績晉四川布政司右叅議是時  
向所繩者適撫其地公援例疏請迴避因有論辯詔  
命所司停勘公乃蹙歸田里卽浩然自休構亭教授  
曰吾當爲蒲擲山人矣丙申事白奏上左遷一級丁  
酉添註直隸廬州府同知往添註官多不事事公力  
政不怠墾荒復逋郡乃大治戊戌晉湖廣按察司僉



事督理江防巳亥 上南巡興都公職除道建航供  
備行宮所事克舉 上嘉其勩賜衣二襲白金三錠  
是歲 章聖皇太后祔葬顯陵公護梓宮自劉家隔  
抵石城驛川途無警奠獻如制乃又以法檢束從官  
往來道途事集而民不擾使者以聞復賚衣一襲白  
金二錠庚子晉江西按察司副使職清軍伍兼理驛  
傳公按籍稽勾酌宜裁革二政允修若其發指揮羅  
某之奸息妖人易盛之亂尤爲顯勩壬寅晉四川布  
政司叅政癸卯入蜀視事乃葦州縣庫役之供應罷  
西路夫役之輸銀催科撫字寓仁于政民愛畏焉某

年晉江西按察司按察使江西爲南方之大省宿號  
難理先政在民民見公至欣迎載道公持守不阿貞  
肅有道憲度改觀未幾晉山西布政司左布政使歷  
官旣久廉節愈厲惟攜二童侍行俸金亦以貯庫大  
革加耗裁損公費覆露廣遍晉省以寧然以不通請  
謁不事逢迎久居不遷丁未以內艱西歸居憂讀禮  
無愆孝思至是卒卒之先數日夢乘白馬而行又夢  
雪中輓紼覺語其子曰日且大雪吾其死夫已而果  
雪沐浴正冠奄然逝矣公性沈毅而慈仁任事不退  
待物不刻故論者謂其有仁者之勇然志存經濟用



不釣樞談治道者惜之晚年好神仙服食修煉自謂  
有得恒以仙官自況公退燕居凝神內照泊如也往  
歲予臥病公自蜀中寄致黃庭經一帙副以手書云  
吾誦此經大有神驗子能持誦萬過諸病可蠲因致  
長生之道予心信而感之謂公能是道也而竟止此  
其故何邪然乘馬雨雪之祥自刻反歸之期殆亦有  
所得已

山西左布政使林公應標傳

徐觀淵

林應標字君儀系出端州登嘉靖癸未進士授禮部  
主客司主事會夷人進玉郎中陳九川驗入旋失之  
事覺赴詔獄郎中惶急不知所裁謾抵云是日爲林  
主事直署期司隸詰之再應標佯不省坐誣服受杖  
並繫人問之曰幸得爲同舍郎情親遇小利害輒抗  
辯是市交也且柰夷人姍笑何久之進玉者復至司  
隸召至府出二人令譯者通其意夷熟視應標數搖  
首見九川撫掌頷之誣始得直然應標終不欲令郎  
中獨坐而已得幸解也於是同朝人士凡稱應標長



者而不直九川也後出爲江西僉事累陞至廣東按察使訊獄有取夷舟覆漂物者爲怨家所中寘重刑先後廉訪使視爲已成事不復再鞫應標廉其狀輒云此非剽客流坐怨家誣服而文致者不深核之也竟出之轉江西左轄遷左轄時袁州相嵩已專政矣江西歲出籍錢數十萬市上方物輸之少府故事率聽袁州子壻具駟僮之徒司之以故籍錢空帑而京師主進者不見持一錢入應標至嚴壻袁應樞復以爲請袁以林謹願此特畫諾聽之不意其拒之深也銜之又藏中無名錢先是諸左使輒括之爲問遺袁

州具應標誠慎封識篋庫掾數以爲言云此左使開府道地也應標笑謝之坐是調山西時晉府以子錢蠶食諸王子祿諸王子至不能厭糠覈應標至召教授庭讓之曰若不聞馮驩操蒯緱抵孟嘗君所一窮客也尚能令薛民親孟嘗而游揚其名今朱邸無食客之費而宗室非薛民之比若專輔導乃不能如一門客力乎詞色俱厲教授蒲伏謝無所容自是散祿必召諸王子至庭以次授之晉府積空券無所貯憤乃摭他事誣訟闕下袁州相受晉邸金猶以前銜未已遂可其奏應標嘆曰吾獨不念主客時尚能救



昂置不辯事乎遂趣裝歸年五十六卒于家

*[Faded bleed-through text from the reverse side of the page]*

山西左布政使長清李公僑志銘

張元

萬曆乙亥五月之七日山西左布政使長清李公在  
于家公諱僑字子高少讀書仙人臺下故自號仙臺  
子公生而穎異年十六遊鄉校古鄆余公自翰林出  
視魯學少許可獨大奇公由是雋譽輒哀然起然弗  
第者久之則益肆力於學學益粹癸卯甲辰連舉進  
士授平湖令平湖賦廣而獄煩號難治公為令務以  
三事自持其治賦緩急得宜民不病而事集其治獄  
有冤濫久不能決者訊得其情立釋之民皆舉手呼  
曰李父李父云已酉吏部課天下有治行吏若干人



徵入京師故事赴徵者先至多得臺諫公名在選中獨徐徐行不急進取至稍後授戶陝西司主事是秋虜突犯居庸公倉卒奉命督餉昌平出納惟謹改兵部職方司主事當是時虜數擁衆入京師詢詢廷議創外城爲衛工竣公與有勞焉賜金幣虜再犯紫荆關公又倉卒奉命往日夜運籌督戰虜乃却捷聞上大悅再賜金幣進本司員外郎閱諸邊馬政若戎務深獲將士心甲寅進武選司郎中華冒濫嚴選法吏胥不能爲奸方島夷之亂閩越也帥府徵餉四出民旣弗堪而越守某復尚苛急晝夜督丁壯乘城爲

守賊未至衆先憊矣於是舊守罷去越人請于朝願得諳練如武選郎者往旣得請則兼程至務爲持重令丁壯悉歸田毋擊刀斗郊市晏然賊亦竟不敢犯平均輸節浮冗痼瘵頓甦而給餉帥府亦竟不乏帥府又欲發會稽礦佐軍費公力陳其非便數事頗忤意旨而事竟寢新昌諸令議設險捍賊上狀公亟檄止之大都謂倭奴從華人行掠多不由孔道山蹊小徑豈能盡設敵臺要當以人爲守耳乃下令練鄉兵設伏出奇賊覘知竟皆避去凡公所以惠安吾越者其鎮靜善籌類如此至風化所關若洿淫飲博有犯



必峻治之卽請託交入卒不少貸其於民間之貧富  
良暴士類之妍媸黑白無不了了卽猥瑣事毫髮不  
能隱居越凡六年雖爲大吏所摧阻而士民久益信  
戴之不忍一日舍公去庚申進按察副使備兵寧紹  
蓋復從越人之請也島夷據海上爲窟至壬戌猶未  
靖我兵旣益練乘間奮擊遺孽盡殲公折衝之力爲  
多部使者上功詔賜金褒異進山西左叅政甲子進  
四川按察使土酋薛兆乾以龍州叛掠青川諸邑公  
贊策撫臺俘斬冰消赦其脅從更置龍安郡亡何妖  
人蔡伯貫煽亂旬日至萬人殘破銅梁諸州勢甚熾

又與撫臺定計先伐謀散其黨且擒且撫數月就  
平嘗兩寇之亂驟起微公全蜀搖矣丙寅進浙江  
布政使未至復進山西左布政使山西三而距虜  
無寧居公保釐三載流亡漸歸邊境賴之然竟以耿  
介不悅于當路而公驅馳逾二十年髮種種亦倦遊  
矣戊辰上計當調輒投綬歸築圃城南灌花理釣澹  
如也獨當世知公者惜其施未竟耳庚午春忽得痺  
艱步履癸酉以今上登極詔進一階猶朝服扶杖  
望闕叩頭謝又二年而卒公性孝友髫年失怙恃輒  
解執喪禮及祿仕痛親弗逮每一進秩必跽奠歛歔



不能禁以伯兄有鞠育恩父事之與人交白首無替里中稱長者其為人志端而識遠慮精而守恪所見一定雖賁育不能移故仕輟所至荐更變亂而功迄有成其他宦蹟某特據狀以書非目擊也若在越時所措注則所熟睹蓋自有識以來三十餘年前後郡守如公者能幾人哉以是推之如狀所載其皆信而可傳無疑矣

通奉大夫山西布政使司左布政使李公國

墓志銘

澹園集

余舉於鄉實與公同籍主者為鄞汪先生得公卷大奇之拔為第六人錄其文以式公名藉藉四方莫不聞卒之禔身端謹才猶茂著無愧所獎拔而世亦因被汪先生以知人之名不虛耳公以昨歲七月終於家子文明持朱宮諭狀而乞銘於余余知公深其曷辭按狀公李姓諱國士字汝志別號正屏先世為洛陽人曾祖英始遷為亳人英生杞杞生虎山世力農有隱德虎山公舉子三公為中子生而端凝不與羣



兒偶八歲遇月食家人求之不得公乃於後圃端拜若營護狀人心儀公非凡器矣澤州孟公守亳試公文置之首補諸生家食貧受徒自給事兩尊人色養備至甲子試恭簡耿先生所曰夫夫也江以北蓋無兩者是年果儁於鄉癸酉丁外艱益以行誼自砥州郡欲一望其顏色莫能得也別駕孫視州篆來訪見公居隘欲爲廣之公深遜謝乃止有托居間者多至門不敢發言而退沈公爲守來問政公謂政先節省而已沈用其言而亳人之戴德者比比矣丁丑舉進士得豐城令豐城巖邑也民苦煩苛公持法堅而以

禮化其俗聽斷無留獄鞫訊自赴無招保櫃銀

無奇羨清田畝得隱匿者萬計課士賞識皆一時名流無不服公之鑒也壬午將入覲適母計至公一痛幾絕倉皇垂橐歸豐人尸祝之抵家往返墓側哀號不已一切應酬都絕服闋北上以治最選刑科給事中侍經筵疏言治河恤軍二事上可其議故事省中有疏先白政府公曰倘關白而有所撓將終不得言耶竟以是與政府左而歲而出爲浙東道僉事公輶車所至風清弊絕戊子台州大旱父老訴於公公與約兩日當有應公精禱于關祠是夜雨隨澍上虞



令蔡叔達者爲鄉官金某所持奉旨鞫問金謂令與公爲同鄉以語侵公公拊膺曰吾爲朝廷治亂民不知有鄉官也金乃伏罪大學士潘公晟子復泰幼悍僕與內戚構擯於外公置構禍者於理而入其子潘得有後者公力也晉四川叅議所轄烏撒土官多悍戾相讐殺公力禁止至於清驛傳追積逋正風俗蜀人至今誦之晉陝西副使清西安四衛隱糧萬餘石爲臨洮行糧介胄士馬一時緝補以數千計火落赤洮河之警卒倚辦焉兩臺多藉重公再晉隴右叅政議劉公敏寬功罪輕重得當人咸悅服所興革皆

去敝安民之要閱邊關萬里險阻亡所避討松山所捕斬甚衆捷聞賜金幣加俸一級督撫薦調臨鞏一時同事者多致開府公僅進粵西總憲人曰幸少委蛇得大展布公曰有義命在持法凜凜無少徇揚中丞芳疏稱判如山門如水蓋寔錄云旋晉右布政分守蒼梧獠人與編民鬪跳梁甚咸議移兵以討公但遣一幹吏諭之獠人盡伏辜所全活節省者不訾思明之役調發兩省兵七萬公部署其事轉輸亡乏兩臺因檄公監軍時暑雨瘴厲人爲公危公出其不虞尅日而抵太平賊聞之氣奪公諭以脅從罔治之



意降者三萬四千人逆佑自裁斬獲餘黨八十餘獻  
馘者千計語具定西錄中是時威名大振而經費無  
幾皆公本謀也晉山西左布政使藩祿邊餉積弊一  
清乃直指難公抗直欲指議公而無可摘者輒以老  
聞吏部方擬調而公拂衣歸矣歸絕口不及世事嘗  
語諸子曰吾歷官三十年未嘗枉一事未嘗私一錢  
凡歷任不爲前人玷不爲後人危爾曹其識之性儉  
朴敝衣糲食終身不改至人有緩急必爲盡力孀姊  
幼甥撫養三十年如一日諸生時積修脯置少田宅  
盡分給兄弟事伯兄如父存歿賴之友人支守教貧

而無子以女妻其猶子以敦世好故人侯國嘗窘  
公謹避之及貴侯赤貧公固時時周其匱人尤以爲  
難里中待公舉火者數十家故其歿也州人思之不  
置弟子員羣然而請祀之睿宗則公之感深也公淵  
停山峙聲如洪鐘守己不侵一介而推以與人則渥  
執法不漏一毛而權以濟變則通故居鄉足以礪俗  
蒞官足以起敝自宰絲入仕四拜制勅三奉璽  
書卽未盡柄用亦不爲不遭已生嘉靖甲午八月廿  
四日卒萬曆戊申七月初十日享年七十有五祖父  
俱贈如公官祖母牛母張俱贈夫人元配劉繼王俱



贈夫人先公卒副室王三子長文明中書舍人次文  
幟廩生次文友庠生孫男十天賜天秩文明出天胤  
天水天慶天祚天開天祺文幟出天孫天符天申文  
友出曾孫二之蘭之禎以巳酉九月廿四日卜葬城  
南八角臺之東墓宜有銘銘曰貌嚴而偉其尊若神  
敏而寬中易知有親拊循楚蜀彈壓粵秦大電清霜  
以布陽春干櫓禮義韜鈴書詩馬人龍戶松嶺羅施  
屏者懷惠黠惕其威功成身退求多奚爲譙城之郊  
有丘穹窿樹檟焚如輔之梓松千秋冥冥往卽爾宮  
佑子若孫俾熾而豐

山西布政司參政彭公通傳

黃佐

彭通字萬里南海人蚤失怙恃勵志讀書工爲詩隱  
居教授從之遊者常數百人洪武四年由儒士舉銓  
部以名入見上親閱之拜給事中叅劾封駁嚴明  
有威同列皆以爲勝已時上方嚮文學多擢近侍  
寘左右俾應制焉通詩思敏給上稱之嘗賜贊善  
大夫宋濂以醉學士歌通預賡和之列九年三月與  
方徵等十六人偕轉監察御史嘗奉命巡京郡薦達  
賢能攻擊貪暴有能聲用事者遣人以金帛賂之通  
辭不可其人強之受通欲以聞乃已久之陞山



虞衡錄 卷之九十一  
西布政司叅政通單車赴任能以公恕滌積弊河東  
運司官匿羨餘不以實聞廉得其情遂寘于法 朝  
廷賜寶鏹旌之有吳印者官至陝西方面本五臺寺  
僧也以材辯受 上知嘗譖殺按察僉事張丁其家  
人橫肆諸藩臬事之唯謹偶以事干通通直其罪且  
斥辱之條其事以聞 上不之罪也尋引年致仕卒  
于家通爲人恭謹外柔而中實剛直爲政若不事繳  
察者然所舉刺動無遺失故能以功名終

山西叅政曹公本傳

于慎行

曹本字子善滕縣人漢曹褒之後也父思明嘗夢數  
人以車載篋至門問曰汝曹某耶思明應曰是也其  
人開篋取人支體與之曰此隸人支體也思明受之  
一人後至謂其人曰曹某當得一侍郎兒何故以隸  
體與之其人大驚曰吾忘之然侍郎皆已散盡柰何  
後至者顧視篋中良久曰此不一侍郎鼻耶遂復與  
之已而本生天資穎異志操不羣 國初以貢遊太  
學官北平布政司都事永樂改元以勞遷刑部主事  
累官廣西按察使所至有聲洪熙元年陞兵部侍郎



在部四年邊防經略宜力居多左遷山西參政  
學官北平市... 惜事永樂初元以營壘所積主中  
之口而本土天資賦異志赫不羣... 固陋以貢藝太  
... 至昔爾跡道中與人曰此不一卦頌鼻非... 與  
... 與之其人大驚曰吾忘之然卦頌昔日惜盡奈何  
一人對至謂其人曰曹某當幹一卦頌鼻何妨以隸  
人開齒與人支豔與之曰此隸人支豔也思即受之  
人以車隸齒至門問曰或曹某相思即賦曰是也其  
曹本字子善隸人對曹某之對也父思即曹夢遺

山西參政曹公本幹

干賦

參政李公寯傳

李寯字邦傑華容人宣德壬子鄉貢正統癸卯補都  
察院司務憂歸都御史陳鎰奏奪情起之已陞南京  
武選員外郎出補彰德知府成化初晉山西右參政  
致仕寯爲人廉直敏慎嗜學工書故所居輒爲人所  
重始遊胄監祭酒趙琬大學士王文尤敬愛之爲司  
務上封十四事內斥選法太宰王直侍郎何文淵項  
文曜俱深憾之泊守彰德趙諸王每出郭禱祠遊獵  
數百里外寯上封言之 天子遣內侍逮其寢湯陰  
王對簿降勅褒獎寯仍命寯禁約諸王諸王官皆獲

獻徵錄

卷之九十七

三



重譴已前後獲盜數千咸晉陽人怨寯刺骨  
湯陰令尚璣者以貪著名寯屢斥責辱之都御史賈  
某受其餽庇焉遣人廉寯過靡所獲寯持益堅人率  
爲寯危寯弗顧也後自山西歸卜居黃湖山石田茅  
屋而已足跡不履城市居數載卒

山西布政使司右叅政祝公顥神道碑銘

吳寬

祝之先蓋以太祝之官爲氏或曰出黃帝之後以國  
氏春秋時稍見於鄭衛漢有九江祝生宋多名士而  
江閩最著逮元有曰碧山者自松江來爲海道都漕  
運萬戶府經歷陞平江路總管英邁有文卒葬吳中  
子九鼎遂著籍長洲九鼎生子潛子潛生景章皆不  
仕景章生煥文材敏行修在國初以瞶疾不在察  
舉惟務樹德是生公公諱顥字惟清少有大志以治  
易名郡學中爲諸生師然不喜躁進有司屢勸駕輒



不行宣德乙卯領鄉薦猶不赴省試正統己未乃登  
進士高等時詔大璫察進士中有聲者四人教內書  
堂小豎衍邀公入閣下公初未知其故比至乃將試  
以詩而去留之公不應而出既而選授行在刑科給  
事中務持大體雖多彈劾不肯訐人閨門曖昧嘗受  
旨密察在京寺觀無賜額者有青龍寺極弘麗僧言  
某巨璫以密旨所建詞色倨慢公不聽立請毀之丁  
卯副駙馬都尉石公璟封荆世子及都昌王二妃無  
幾丁內艱歸適有土木之變 景皇帝詔奪情以都  
御史起復不奉詔服除乃復前職尋陞山西布政司

參議專督糧儲時大寇之後倉府空竭饑民流  
而兵輸方殷公晝夜規畫招亡拊存因時立制凡有  
斂出內條法委曲不加賦而公私皆給由是廩庫充  
實 朝廷久不他遷賜誥進階朝請大夫贊治少尹  
本司右參政仍專糧事如故公以晉俗少文思振以  
儒術舉禮義興學校無所不至臨汾陽曲二廟聖賢  
塑像金元遺制左衽乃更正之爲文釋奠以謝不虔  
臯陶祠墓在洪洞其傍近地里傳舍舊皆以神名名  
之乃葺墓建祠題曰有虞士師祠而禁止觸犯又作  
二賢祠于聞喜以祀裴晉公度趙忠簡公鼎新明道



先生祠于澤州以伊川先生及郝左丞經配廣選俊  
秀以充生徒下教周密大意謂教人與治人不同貴  
在隨材成就必令條品資質以爲程課庸下者毋強  
以文辭第使學書讀律異時不失使任正冠服飭威  
儀勤察試親爲講授諸生呼爲祝夫子而不官後多  
成名爲顯輔者公吏學精甚律令條例通練如指掌  
疑情滯獄立能剖決而又明慎矜恤每多平反天順  
丁丑汾州妖人作亂僭稱李天王年號天福公一聞  
變飛檄戒守禦嚴備毋輕動自戎服馳赴之旣至賊  
就禽纔十六人餘皆脇從而所攀援逮千餘人三司

皆不敢簡別公曰千人同謀胡不待聚而遽發且  
等旣不能戢惡而顧又戕善耶不可衆曰然則祇應  
以盜聞耳公曰盜何事以年號爲哉罔上規免尤不  
可也乃以十六人爲謀反已行上奏得旨一如公議  
嘗監決崞縣囚七人令先詣御史錄之謂已允當至  
公導諭諄複中二人因歎泣更鞫得其寃以語御史  
御史不從更言公導囚脫死公移疾以緩之御史來  
問疾公曰某不忍殺平人病心耳因陳其狀御史悟  
乃論囚減死襄陵某甲贅壻後生子已而甲與妻子  
悉死遺孫鞠于壻迨長爭財交訟二人皆嚚悍多歷



年所不決公至不施鞭撻令各盡其辭公曰吾知之矣壻之專制足以當撫孤之義然由孫之鑑基乃始成善賈之功若必欲直於官徒廢業耳吾今爲若翁定之因令籍其產將程其事力而分歸之先焚香呼甲名述壻孫曲直壻遽前拜曰公言是某則非矣孫聞之亦躍謂壻曰丈果非耶壻曰非也孫曰丈數年對官司未嘗自謂其非今旣得明公而云然然某唯欲得此一言耳丈知其非某獨不知耶因相顧乞罷訟終身不校公爲立帖籍畀之皆感泣而去絳有武斷于鄉者誣一人數不勝公廉得之會巡至惡子又

誣以死公召屬吏父老謂曰斯人之冤不難雪吾恐其雪冤之後更受陰害耳吾今爲處之因論徙民於他地而置惡子於邊徼莫不稱善其他政類此不可殫紀凡周巡道里之間往往駐車延問民瘼封部多名山大川及古聖賢宅里祠墓輒登臨謁奠賞弔吟賦風流粲然居大參又七年年甫六十遂疏請歸田一時耆俊勝集若徐武功有貞劉僉憲珏杜東原瓊輩日相過從游行高風雅韻輝映鄉邦歷二十年而公最後乃卒時爲成化癸卯享年七十有九公在給舍藩省皆得推恩其親父累贈朝請大夫贊治少尹



山西布政司左參議

革日卧歐針裁祿高風部財戰期張張二十平而  
一劫青對想其莽斜近心不負隆愈意其甘東泉變  
翅風流榮然臥大參又十平平甫六十卷施請職田  
谷山大川又古聖賀字里臨墓神登詞語莫賞平今  
戰隊孔周遊遊里之間并并想車或問只與桂時冬  
州此而置強于故變變莫不稱善其所以然此不可  
其害家之計更受創害耳吾今為國之因循非其然  
請以我公各風交父李階曰其人必不難重吾恐

山西布政司左參政樊公英墓碑 李東陽

公姓樊氏諱英字世傑默菴蓋所自號其先臨潼人  
也考諱斌以戌籍府軍前衛居京師生公有奇質受  
尚書于布政洪公弼弼名士士為所造就甚眾公其  
最者正統丁卯舉順天鄉試景泰甲戌登進士第拜  
監察御史凡所建白皆切治體巨盜張傑掠真定民  
甚苦公往捕并其黨禽之通州倉宿弊甚劇公舊居  
鄰京倉盡得諸弊有所釐革眾咸愕服曰勿給樊御  
史天順丁丑石亨擅權朝野奪氣公與諸御史劾之  
出知東鹿縣未行而復戊寅巡大同宣府二鎮威令



大行辛巳巡南城有張剛者橫鄉邑怙權臣門達以  
自庇鄰寡婦富而無子剛謀奪其業訟之官官莫敢  
直達以屬公公不聽竟繩以法達怒嗾剛誣告諸不  
法事逮入詔獄達適典獄因文致成之坐除名罷歸  
成化乙酉 憲宗皇帝卽阼諫官論達罪惡因白其  
所誣陷數人達旣謫死公復爲御史以父憂去服闋  
再入臺有御史被薦爲都御史者輿論弗愜公劾而  
黜之按湖廣風裁益著賊吏有解印去者棄鄧饑流  
民肆掠且萬數公會積粟穀爲賑貸具乃廉其渠魁  
諭以曲直福禍使歸閭井久之遂定都御史羅公篋  
疏其事以聞巳丑擢遼東苑馬寺少卿時馬數耗不  
滿百公置朋市法越五年馬至四千匹戊戌遷長蘆  
都轉運鹽使河間真定饑 上命廷臣出賑官無厚  
儲公先後出運司銀七萬餘兩佐之活者甚衆丁未  
擢山西布政司左叅政甫上得未疾適當稽戎籍力  
疾至平陽徧歷諸縣得戎工脫籍者若干人勸民出  
粟若干斛以備賑勞疾篤甚比還司遂弗起壽六十  
有二



果苦于楸以蒲親榮其煎其北數回數典吐壽六十  
夫至平則辭聖昔樂野夫工凱籙青峇干人憐只出  
對山西亦如回式來如甫土幹未幾臨當許亦辭以  
謝公夫遂出戰回馳十萬鎗兩封之哉昔甚眾丁未  
濬轉戰盟封既間其室難 土命戎引出征官無負  
藏百公置眼市去越正平思至四千四九其數具蓋  
敵其事以聞日王對意東英思若少嗷報無嫂排不

山西左叅政丘公璐墓志銘

王鴻儒

公諱璐字仲玉姓丘氏其先家東明曾祖諱仲和者  
徙蘭陽今為蘭陽人父諱陵字志高宣德己酉河南  
發解第一人明年中進士乙科授咸陽縣儒學訓導  
歷陞山西左布政使致仕卒于家其儒術吏治皆有  
稱公成化己酉以邑庠生中河南鄉試壬辰登進士  
第乙未授南京吏科給事中戊戌己亥連丁外內艱  
壬寅終制起為南京工科給事中丁未遷陝西布政  
司左叅議進階亞中大夫奉勅督理甘肅糧儲弘治  
辛亥還司乙卯遷山西布政司左叅政分守大同府



戊午還司以閏十一月病卒于官舍距所生正統壬戌得年五十有七惟公賦質沉靜加以自少家庭涵漬無紈綺傲放之習又素富墳典博探廣覽食事俱忘穿冗古今貫給百氏雖僻書隱事雅號洽聞者第髣髴崖略而已公或觸其端輒歷歷舉數百言不遺一辭其博學強記如此歷官中外幾三十年其建白施設多上當君心下充民欲在南京日前後疏二十六事剴切明暢未嘗或觸聞罷甘州先聖廟春秋祀奠惟奏俗樂公以爲褻遂飾廟貌繹雅音金石絲竹之器多自考定禮樂用諧神人胥悅肅州隣極邊公以戎主速壇阿黑麻戕殺哈密都督罕慎遂經調發築苦峪城且徵苦峪赤斤蒙古罕東等衛頭目愛馬等詣肅州宴嘗撫諭及安插哈密殘破夷人都指揮阿木郎等一千員各給與農具牛種夷人用謚朝廷寬西顧之憂內地停輓輸之勞復其處三年他所爲不能盡舉由是觀之則公之政事從可得矣其所與交皆天下名士然死之日家無餘貲歸無室處人尤以是高之而亦以是悲之



亞中大夫山西布政使司右叅政郭公桂墓

王九思

公自平陽知府擢山西右叅政分蒞冀北督邊儲未  
久疾病乃上疏言 陛下過聽不以臣桂疎淺使待  
罪藩省居邊亭給饋餉職專位重隕首無以報邇者  
臣桂不幸有犬馬病旦暮且死願從 陛下乞骸骨  
歸故里卽死無所復恨惟 陛下留意哀憐之幸垂  
察焉臣桂頓首頓首死罪旣得報一日乃遂不起蓋  
正德丙子七月九日云叅政郭公者諱桂字時芳咸  
寧縣鮑陂里人也蓋其上世有爲御史者冠鐵冠人



稱鐵冠郭家家藏仕宦者畫像而傳以爲元時人也然不可考矣其五世祖曰道原明洪武初舉人材爲河間府經歷而生子恒恒生琮琮生錄錄配楊氏生叅政公公二十六而精通毛詩舉鄉試三十三而舉進士爲知縣安丘安丘民王愷者富而橫令至啖之以利旣乃鉗制不得動乃長揖不拜令心內忿然無可柰何至是愷使人逆公以利啖之公拒不可怒斥之去至縣而愷自來謁乃發其事鞭笞之愷懼與其兄弟謀害公陰中以禍公以罪擒殺愷愷兄弟徒爲邊氓未久縣翁有訟其子盜金者且罵母公知其後

母也而謂翁曰亟歸而發媪衣笥中可得金果得之于是翁大感悟知其爲媪爲之也乃復愛其子也公嘗趨郡謁郡大夫而縣中囚徒乘隙反獄走匿不可得攝縣者懼追告之途公曰當在其地古墳坎甬中果然然其他政事明斷多此類也宜起起爲御史會讒不果稍遷湖州府通判督糧儲湖州府通判督糧儲者未有能自拔超遷去者蓋多以賄敗公獨以廉而又綜理周密能祛其宿弊人莫敢犯之儲運輒先期完稱爲能而遷爲泰州知州有三虎一曰鄧仁一曰祁清一曰蘇容公至而鄧仁祁清以姦事發覺死



而蘇容獨存有以爲言者公曰姑待待其自至乃一日姦事發覺至州門曰死矣公曰死卽瘞州門下瘞之三日出屍出屍乃死然其初實詐不死也其待惡戾民如此可畏也而于好民則子孫視之惟恐其或傷之于是州中遠近歌頌相戒不敢爲惡恐犯教如三虎死居無何轉鎮江府同知位尊而無權有分職職清戎蓋千孔百瘡其他政令可否惟郡守時時視郡守顏色喜怒不敢多一語公則不然視理不視郡守守亦察知其爲人善待無敢易之其始人見其理戎務也老吏猾胥斂手縮項弊端塞絕也然不知其

他蓋嘗攝郡事理詞訟決疑獄而人力更屈服翕然稱之惟恐不爲郡守其後遷爲郡守乃不于鎮江于開封焉于是鎮江之人無不咨嗟歎息也惜其去輓留然不可得也至開封旬日會母喪以歸歸未久而父亦卒喪畢起復爲平陽平陽山西大郡轄州縣多而是時海內多事盜賊起百姓凋敝又多藩邸下人怙勢侮法無敢誰何者公至而盜賊息州縣平藩邸各輯其下百姓安堵久之而衣食足歌頌興焉公曰民可使也于是新堯廟堯廟成增修舜禹廟亦成戶部尚書韓先生者洪洞人也年八十餘家居賓客非



其人不可見也乃安車入平陽謁謝而曰老人無所  
求強爲百姓一行未久擢叅政去不幸疾病乃五十  
九歲卒其在安丘也三載考其績稱無過及當道者  
論薦例當封于是天子下詔卽封其父鏐文林郎  
安丘縣知縣封其母楊氏配于氏俱爲孺人

亞中大夫山西布政司右叅政張君敏墓碑銘

正德十三年戊寅四月十一日山西布政司右叅政  
致仕張君時勉卒於嘉興君弟主事某率君嗣子淮  
來請予文刻之墓道予承乏館閣時習聞君名有以  
身殉國之義法宜銘乃不忍辭初正德庚午川蜀盜  
起鄆藍廖喻諸賊首勢猖獗甚自夔達蔓延保順諸  
郡營連十餘里衆號數萬兩川震動君時爲馬湖知  
府總制洪公鍾聞君雄武有謀略特屬任之君請以  
邏兵自當一面曰賊雖凶獷然皆烏合之衆易與耳  
進過於通君門鎮君麾衆大呼直前無不一當百賊



奔追斬幾盡溪水盡赤白是賊氣沮喪所向有成鎮  
巡倚以爲重巡撫都御史林公俊上其績鄢旣就擒  
其黨廖陳輩復糾衆爲亂君曰洪公謂渠魁已伏誅  
餘出脅從法宜撫定若一槩兵之恐玉石俱焚非天  
兵弔伐意然衆莫敢任事君爲兵備矣乃獨請往遂  
單騎入賊營賊露刃以俟君曰吾爲活汝來寧畏死  
也因宣布德意曉以禍福衆感激泣下陳賊首詣軍  
門聽撫散其黨二萬餘人廖憤陳先受招乘夜劫營  
將并害君君笑曰吾不怖死但恐大兵具至汝輩無  
噍類耳賊爲之吐舌時淮自浙來省得報冒鋒刃入

賊營願與君同死君以宗祧事重趨之出貽書兩司  
宜急進兵攻賊毋以予故遺地方患又與其家人訣  
曰以死勤事予之分也汝第治裝歸賊尋悟送君出  
營嗟乎川蜀藍廖之禍烈矣小官未職死賊手者弗  
論方憲官之遭荼毒者亦不啻數人君提兵數年崎  
嶇危難至犯賊鋒蹈必死之地而卒保其身以就不  
績雖勇略過人微君忠憤誠切有以動神明而感盜  
賊亦惡能爾當時鎮巡交薦至欲以風憲重職屬之  
事雖未果而溫旨慰諭璽書褒勵白金綵繒之賜相  
望亦可謂受知明時矣君旣出營偶墜崖傷足乞致



仕不許復起治兵事既而都御史彭公澤來代洪總制尤知君囚問平賊計策君謂賊既撫而叛非實有降意特借是以老我師宜及公初至亟集兵勦之可絕後患彭公竟用其言平賊君浙江嘉興海鹽人也諱敏字時勉世業儒洪武間曾祖景福檢校河南開封府從征雲南戍大理因家焉祖禔雅知兵法總鎮黔國公奏授國子博士俾教武臣子弟封奉政大夫南京戶部郎中祖母金氏封太宜人父正舉雲南鄉試第官至建寧知府致仕歸仍定籍嘉興母呂氏封宜人君少負奇有才名鄉舉亦自雲南會試數不偶

弘治己未始拜蘭州知蘭州密邇虜巢虜時剽掠州民苦之君嚴譏察奸細至趨擒獲斬之自是虜不敢輕入州氓多家村落城中惟藩邸軍衛人素侵暴百姓輕州官君乃一切裁以法民始安生屬河漲壞桴橋民以皮囊渡多溺死君度材鳩工親臨督役數日橋成民不病涉善聽斷摘人隱伏多曲中遇事敢爲嘗勘牧地之久爲豪右所據者盡追復之還官遷西安府同知專督儲餉期歲完逋者五十萬而民不怨擢馬湖知府再擢四川按察副使奉勅整飭綿利知州兵備盜平進山西布政司右叅政遂致仕越四年



卒年僅五十七

安和同以專習詩論賦宗賦者五十萬而只不  
嘗博學此之人為豪古則賦者盡與身之數官  
賦以月不與我善辭繼人對材多曲中賦事類  
辭以以史囊數多賦天吾與林賦工賦詞皆外  
技陣州官昔以一世賦以去月故安主國賦對  
陣人州對冬案林恭賦中卦賦軍衛人素對暴百  
另苦之吾與繼察我賦至賦辭藝神之自是賦不  
賦賦日未故我蘭州賦蘭州密賦中策與和標賦

山西布政司右叅政華君津志銘

邵寶

君津字濟之別號寒齋姓華氏世為錫人其先  
晉有孝子寶在宋有榮者以仕徙居于汴至原泉避  
亂復居隆亭族始蕃衍又五世至友直元常州路總  
管總管子琇嘗以處士舉於集賢院號曰清逸其子  
希顏以文行為鄉望所著有東湖集君五世祖也傳  
汝立諒至君祖俊字景榮出贅山山錢氏因家秦塘  
之上辭分業而自立遂成厥家有子三人其長為君  
之父瑄字伯和配蔡氏生君兄弟五人君行居三敏  
而知學弱冠遊邑庠二十六領成化癸卯鄉薦越二



年丁未登進士第授湖廣松滋縣知縣操勵自躬庶  
政斬斬時有奸人挾王府勢強取於民君執而法之  
江溢壞民廬君爲之防民賴以安滿三年撫按旌異  
政遂以風憲召聞母疾取道歸省比至陞刑部主事  
以松滋之旌對伯和文林郎松滋縣知縣母蔡爲孺  
人君在刑部遇疑獄反覆叅鞫盡求生之道決囚淮  
揚諸郡平反爲多屬有疾請告歸遭文林公喪乳癸  
在次不越戶限起復改戶部主事出納惟謹嘗監通  
州倉有怙中監勢請事者君拒之固中監銜之尚書  
顧公虞其中傷君也亟調監七馬房倉其嚴猶通州

二年署員外郎奉勅勘田湖廣常德時究理扇虐旣  
行而有後命遣人追與之牒至則君由水道還矣其  
人旣還報而君始至衆爲君危之瑾見於左順門顧  
而謂曰華先生汝來何遲也盍亟往事事乎竟無他  
言未幾署郎中二年陞湖廣辰州知州遭蔡孺人喪  
起復補廣平府時當兵荒君畢精經畫凡無益之費  
不急之務悉罷之又請蠲常賦外民不能共者數事  
惟學校所須不以乏省太僕丞有欲收養馬民免地  
稅錢十之五者君曰民累于馬甚矣以若所免猶不  
紓困如征其半民何以堪遂以其事白巡撫都御史



轉聞于朝悉復其故屬邑邯鄲城每山水秋至輒爲之壞民病修築君曰山水挾西河橫流舍河而他圖雖勞無庸乃改河上流北注之漳水勢旣分城乃無墊貴戚并民田於清河征斂太橫民訴於朝事下之日君削其數什九民歸君德議立生祠君止之二年以異政被旌誥進階中憲大夫贈封其父母妻皆如典尋陞今官分守河東道搜剔利弊罷行惟允發私賄以正官邪禁戢豪強視廣平尤力居二年上疏乞休不許會車駕西幸境內一切供應之事夙夜調者二月繼聞再幸之報巡撫都御史偕君至代殫力繕備又越二月疾作返臥司解月餘遂卒年六十一君子謂君簡而惠共三介有君子之道



山西右叅政王公納誨墓志銘

許宗魯

維王氏其先幽人後徙長安爲長安人曰鵬飛者什  
元判同州同州子御史中丞瓚著名于時嘗代郊祀  
錫以爵服今畫像固存中丞子擴擴子涇陽簿嗣祖  
涇陽子鐸是爲公祖鐸子趙王教授琮是爲公父以  
公仕謝事例封吏部考功司主事公諱納誨字獻可  
別號蒙谿初公生有殊質封君安人篤愛之許安人  
故宿儒子也能誦古詩及故事公解語安人口授之  
輒隨口成誦封君安人益異之封君曰我族固代有  
聞人是子當紹先中丞業比長修容挺立方願聃耳



特類中丞且時時取中丞家傳及文集誦習之若符其志者時封君司教延津公從侍肆學不擇昏旦凡諸經史子籍無不遍覽掇要不爲世俗學也學成歸試于司學邃菴楊公司學公駭奇其文錄爲縣學生員弘治壬子中鄉試三試禮部不第乃遊國學友名流談古道博綜羣籍旁達世故一時無出其前者壬戌登進士宰相素知其人臨清河渠爲天下要衝而挽夫舟人叢集爲姦公私病之故授公工部都水司主事行部臨清治閘事公旣治閘乃爲立條章嚴約束一日時啓閉二日謹蓄泄三日急貢獻四日重漕

運五日第公私六日程緩急七日備材用八日具夫役九日繩姦惰十日戒凌暴於是閘事井井無不便頌正德丙寅秩滿獻績是時太宰公選遴司屬遂采物議調公吏部考功司主事戊辰晉員外郎己巳再晉驗封司郎中公旣爲天官屬乃自謂曰是爲百官之表進退之門已不正何以率天下法不嚴何以礪人材於是翻閱往牘悉復舊章自侯伯以下皆令庭叅而考課覈驗特嚴以公倖路塞絕請託抑沮諸以事至部者咸嚴憚公由是覺積於人庚午竟以時宰之故波及左謫易州同知在易奮勵自樹不以外內



奪志時巨盜流劫畿輔間畿輔郡縣城郭多不完總制都御史幸菴彭公檄督修匝月以完報又令料理軍實軍實乃充壬申晉河南按察司僉事理屯河南寇亂之後屯多荒蕪乃爲反侵占給牛種時征斂減加耗杜侵漁三年屯政底績乃又以賢攝分巡時郡有豪黠附權武斷析人肢體官司坐視三年莫能執公攝事下令執豪卽就縛伏法纔一日耳郡獄繫囚多至千數公按牒剖決不三日獄幾空虛河南民凡獄訟咸願之公爲語曰神明神明云乙亥丁丑安人封君後先卒凡居憂五年己卯復除河南僉事兵備

信陽會革不果行庚辰改四川按察司僉事兵備瀘叙瀘邇夷公務以懷遠固封宣威敷澤爲首叙人稱父母嘉靖壬午晉副使分司川西川北夫其巡兩川也風裁肅然貪墨解紱接踵去乃遇事直以身任凡不便於民者悉罷除之雖拂巨室怒長官忤寮吏皆不之忌人或謂公曰盍自圖公笑不應事事如故其區處兩川事宜凡數百爲書凡十帙舉切時政無長冗言于是兩川爲改觀也部使者雅推右公亟薦之而寮多短長簧言貝文交眩視聽癸未遠移雲南兵備臨安治臨安猶治叙瀘乙酉量移山西尋晉



山西布政司右叅政由滇之晉道出故里遂臥病而卒施未竟也嗚呼惜矣公性剛大不阿而心獨誠厚事封君安人極其歡心居喪痛世俗之偷也特爲盡禮于封君訓言雖數十年時時道之且以詔其子姪其處宗黨恩禮次序秩秩如也其志在天下毅然不遜有古人負荷之勇由此以譽亦由此以忌且魁岸獨峙不伍塵俗乃又好面折人人不合輒麾去不與語故庸人或少之而達士尊焉至其奮迅無禦之才堅固不渝之操洞朗旁達之識邃古玄秘之學固一時之鮮匹也而竟已矣夫謂造化忌才者信邪非邪

亞中大夫山西左叅政南澧王公獻墓志銘

許宗魯

南澧者用世才也諸所履歷底有成勩其有裨於治無右於修復海運之功然其忌於人而棄於時者皆坐是余故詳焉始南澧由御史晉山東按察副使巡察海道謂其政莫先於海運者其爲議曰 國家定鼎上游漕運爲重會通河建萬世之通利海運備一時之權宜二者可相須而不可偏廢也承安習故似若不急思患豫防顧不爲首務哉弭節之日備閱圖志延問耆老乃得元人之故道以及膠萊之新河嘆



曰嗟乎海運之方我知之矣夫自安東放舟遵海而行靈山峙其西浮山勞山介其東薛島陳島石礁林立橫浮海中險阻難越故元人放洋自三沙以達登州西北至於海倉又北浮於渤海始達于直沽避此險也然牽輓之勞雖節而漂溺之患亦多故丘文莊有說聞者惑焉以余觀之夫自薛島之西爲馬濠其涯爲膠之麻灣北爲新河又北爲掖之海倉其地里至僅三百耳若徑於此諸險皆脫元人常治此道遇石而止今若因地爲工鑿馬濠以抵麻灣濬新河以趨海倉良便乃以事宜請于制使聞于朝廷議于司空皆報曰可檄下從事議者紛然南澧直任不謝

言曰天下無不可舉之事亦無不可成之功民可樂成難與圖始苟能足國裕民吾負謗奚恤於是擇吏授規訊口卽事誓告靈神督戒有衆斤斧肆力火烈具舉馬濠之石焚如而燼海水流匯麻灣以通河渠奏工矣計其言十有四里其廣八尋有奇其深半之於是江淮之舟達於膠萊官不費財民不知勞公私賴焉計其經始及於底勩凡三閱月耳土人德之立石頌功已而復事新河之役濬淤夷險立防之蓄洩浮梁以濟渡設吏以司守規畫垂成卽有山西之



命於時制使疏請衆庶輓留不報而去河工由之中廢論者惜之先時工作寮友有不協者移書紛更南澧舉措不問其人銜之逮其居憂於家乃嗾言者誣以妄興海運迄無成功疏奏報罷南澧復嘆曰嗟呼事之成敗在天人之出處有命吾何庸心哉然海運必當復萬全之謀必不可忽吾死不敢易此念也更著說以告世人噫其亦見定而守固者歟旣數年臺諫論薦休廢首列南澧亦以海道被讒而言是公論之不沒也南澧筮仕爲御史分曹南臺持憲不阿論奏不詭其請釋大禮諸放臣及論罷南都添設鎮守

二疏尤爲人所稱說初使山西清理軍伍稽察按牘究心所事卽行陣充足淹弊釐革其再按山西也時值薦饑且罹虜患下車卽請帑施賑民籍以生乃其周邊方之處置而武備修急學校之教養而士風振別部吏之臧否而官常飭嚴府庾會計而錢穀裕諸所設施憲度斬斬其決晉藩襲封之疑以杜爭端陞潞安州治爲府以弭宿患尤人所推論者總其先後論皆經國遠猷裕民至計若崇聖學設總制繩黃內侍之違法劾席尚書之庇私糾常都御史之怠事參郭武定之侈僭種種多故海內想望其風采詳載家



傳志不悉云按王氏之先出於渭南蒼頭鎮諱舜卿者選守文武陵寢徙居畢郢原下遂爲咸陽人有諱瑤者國初爲官寮然皆譜牒無考不可論其世次至諱十者生子士榮士榮生整整生才初授散官封文林郎江西道監察御史加贈中憲大夫山東按察司副使配岳氏封孺人加贈恭人其子卽南澧也諱獻字惟臣以居澧渭之汭自號南澧

山西布政使司右叅政栗公祁墓志銘

于慎行

東巖栗公者諱祁字子登世爲山東夏津人大公以上隱德不顯父節爲邑諸生以公貴贈戶部郎中母蕭封太宜人太宜人之賦栢舟年甫二十有二公蓋生三歲而孤也稍長就外傳文日有聲燁然爲名士嘉靖辛酉舉於鄉明年壬戌第進士授徽州府推官徽俗故黠好氣閭里小不相下輒聚徒格鬪或有所殺傷人投諸水火則詣吏訟常十餘年不決吏甚苦之公察其情謂此難以法彈治顧常爲好語三覆勤



虞待金 卷之九十七  
譬之民反輸寫心腹有所感動老吏嚙指悚服乙丑  
擢南京戶部主事推稅杭州杭州物力華侈號爲金  
穴公益以清操自矢月俸之外魚鹽蔬米無私毫毛  
越中士大夫皆慕而歌誦之已擢本部郎中滿考詣  
闕隆慶辛未以望拜湖州府知府下車卽移記與吏  
民約太守爲天子牧養百姓輕徭平賦相與休息不  
多爲條教以淆其耳目令長以下皆體此意守湖三  
年政和役簡民無擾焉決獄惟務平反不喜以微巧  
文中人曰吾爲民父母柰何撓三尺法以罔赤子然  
至豪舞文吏銖兩之姦又無不立發矣郡海水災民

大饑亟謁部使上書蠲其十之二三又漕卒故代他  
衛輸十餘艘請還其籍軍困以紓往郡多錢穀若賈  
人權會歲致羨金若干爲筦庫費公悉謝罷之湖人  
頌公至不容口尚書潘公每爲人言吾自兒時至今  
所見賢大守無如栗公矣乙亥擢山西按察副使備  
兵懷隆去郡父老夾車轂泣送不下千人懷隆者在  
上谷漁陽間號當路塞東南護陵寢自虜款關少烽  
燧然治兵者常重其選非才識練習不使往故以屬  
公至則大修築邊公行視故亭障徒取文具雨至輒  
壞乃躬立畚鍤間勞苦吏士所築殊險固稱雄又以



其暇秣馬訓兵修屯庀具士母敢解甲以嬉軍中有  
訟不甚裁以文法惟笞而遣之曰塞卒困極矣日負  
土石操戈寢所入不盈庾斗慊慊苦饑一傳爰書卽  
三月廩立盡使當虜柰何以故所居塞整辦過於他  
道吏士戴之居三年貢市告成有詔賜白金文幣卽  
拜山西叅政兩臺交章薦公大臣閱邊還報稱公可  
大用而廷中議遂以公開府北邊矣一旦構小疾卽  
不起惜哉公爲人豐願重厚舉止雍容美文詞平恕  
不苛馭下取寬簡而持已獨嚴所至有廉名自筮仕  
往來蹤跡多在江左每歸北惟圖書數卷嘗自稱曰  
今爲吏試右職率務積橐裝爲子孫計多藏厚亡反  
受其殃或喜蓄玩好不惜千金購之至以賈怨不肖  
子持之曾不博一飽徒爲人指笑何益嗟乎有味哉  
是言足知公平生矣公生嘉靖丁酉卒萬曆戊寅得  
年四十二歲



平山十二

吳言以味公平主矣公主哀辭丁酉卒萬曆九年寅  
子封之曾不世一論封為人其笑可益望乎有若  
受其無短喜蓄其技不計千金觀之至以賈恐不  
今茲之始下鄉率發其素業悉于終情冬燕臥口只

山西左叅議黃公常祖志銘

彭韶

正統末韶入郡學獲見前輩風致及其時禮俗大槩  
老成朴素遠浮薄恥言人過居室服用多因仍舊故  
婚姻交際略備儀文而已安識驕侈而以相訕相懟  
哉郡志所謂俗幾鄒魯實於縉紳故老有賴焉時若  
會元陳公舜用郡守方公庭訓鄭公季述及澹軒黃  
公四五人皆朝野鉅望黃公於居室終身不插一椽  
尤為舊俗繫重柰不數年前輩淪謝素風漸微似聞  
後生耳濡目染去儉入奢君子每為之慨嘆若公遺  
行安可不傳示於後人哉公諱常祖字邦經先世居



廬後金 卷之九十一  
涵江簪纓濟美爲閩大族曾祖林元涵江書院山長  
祖佛不仕始遷城西梅峰峰下父震號梅東又遷善  
井以公貴贈奉直大夫工部員外郎妣蕭氏封宜人  
梅東公精易學爲莆士師公少習之始遊郡庠又從  
林三復顧在軒二先生治尚書學復卒業殿元林綱  
齋之門修詞知名遠出流輩雅爲莆守周公琰所器  
許已而公應貢升太學生舉永樂辛卯京闈鄉薦明  
年壬辰榜三甲第一人授行在刑部廣東司主事曹  
事繁劇因得練習滿三載陞員外郎彌加詳慎嘗有  
進天書者五日不得報懼而自刎詔旨疑有他寃鞠

其居停婦將抵死公原實平反以免丁內憂服闋  
部尚書吳公中董營建奏爲其屬採木于山西湖廣  
時督促嚴急公爲上爲下悉心殫智事集有緒民頗  
得息肩有御史周姓者共事不法公糾罷之事竣秩  
且滿受誥命封贈父母援例省祭榮歸于家人思周  
守爲知人旣還用少師楊文敏公薦陞山西布政使  
司左叅議并晉地瘠民貧值歲凶多流亡公奏乞招  
徠聽免徭役三年悉復業平陽界上有盜聚千人爲  
害公推誠諭之不旬日皆降附正統十年滿六載致  
仕歸年方六十三公形神清朗動止穩重性孝友母



蕭宜人嘗病革祈以身代而愈後數年母沒築墳于  
鳳凰山掘地三尺許得甕器五銀牌一上刻使司字  
有署押蓋昔人所定壽穴未及用而公得之教諭林  
魯瞻爲福地記時公未佐藩後果符署刻人以爲孝  
感所致堂兄順美等沒無嗣公爲之殯葬嫁其孤女  
旣老羣處里社未嘗以齒爵自異是後行人方公源  
深等繼歸故里刑部員外郎劉公玘時尹蒲邑請合  
會元諸老入會號曰耆英興守張公瀾立坊以表之  
郡故事未有也 憲廟登極公進階中憲人夫優游  
城居二十餘載至成化丙戌三月卒年八十有六

山西布政司左叅議王公璠墓表

邵寶

公姓王氏諱璠廷瑞其字也陝西鞏昌府寧遠縣人  
國初有以人才官某縣者後遂居之高祖謙曾祖仲  
榮祖興咸隱弗仕公之父永昇舉景泰癸酉鄉貢授  
河間府知事以公貴累贈奉議大夫戶部郎中母賈  
氏贈太宜人河間四子公其季也公穎敏不凡河間  
奇之遣與其俊彥者游公弱冠河間當考最嘆曰吾  
觀四子惟璠也偉其將以材顯乎髮吾種種尚可僕  
僕人下乎遂辭職去歸其鄉命公入邑庠戴恭簡公  
以按察副使督學見而器之會同舍生侵學傍隙地



廣德金 卷之九十一  
衆悉於官以齒推公爲先公素伉直領之事閣不行  
衆更詭爲文投之縣代署公名非公意也尋覺發於  
巡按視原文有公名例出爲掾戴公聞之曰吾識王  
生豈爲是者哉然莫能救也是歲癸卯當鄉試戴公  
乃牒縣以掾入試遂得舉自逮事至是凡八閱月耳  
明年甲辰登進士第河間疾且革聞報喜曰吾願畢  
矣尋卒公聞訃奔歸伏地大慟以祿甫及而親不待  
有終天之恨焉築廬墓傍手植松楸置祀田百畝服  
闋奉繼母徐氏之京授戶部主事監督臨清水次倉  
同事中貴剝尅萬狀酷流諸郡公力與之諍其月間

奸胥輩二十餘人皆寘於法時有真部使之稱進  
員外郎丁內艱服闋進郎中奉勅總理遼東糧儲兼  
管屯種於是邊費每告乏公杜請託謹權量尺布斗  
粟必親稽焉閱實至得羨若米千萬數考以稱最好  
商射利不遂者朋誣于廷公疏上其狀下御史臺治  
而法之凡百十餘人故事征商額外有楮價充公用  
公悉罷之旣還朝補貴州司奉勅僸運漕河時值某  
藩之國河道壅滯公夙夜乘小舟巡視衣不解帶者  
四十餘日上便宜數事詔皆行之人以爲便尋擢山  
西布政司左叅議分守冀北道冀北古雲中地匈奴



出沒不時戊卒餽餉恒虞不繼公多方調畫邊鎮荷  
爲重壬戌朝正考覈羣吏鈞陽馬公在銓部方以公  
爲材而濠染顧公以都御史叅會竟以臺評罷公爭  
之不能得屢稱于人先是山東叅議某者以分守在  
遼東與公不相能其兄司徒公每平之公之被黜人  
謂某有力焉公初被黜上疏自序其課績所得詞語  
大意謂外銓籍而信流言蒙名士以重謗請下臺司  
根究屬藩府暨鎮撫臣亦有上疏留公者詔命之辨  
公再疏撫臺評之失云云且謂臣猶出婦借得復歸  
亦無顏與娣姒相見請雪其冤而許之退事下臬司  
公三疏請稽報不時上之故語益峻切會孝廟崩事  
遂寢逆瑾竊柄時有勸公赴愬者公笑謝焉曰吾以  
吾行之不白故忿而有言今就傍途吾之心事誰與  
白者言者愧而去公在京師久之南游至江淮愛揚  
爲文獻地又以女歸兵部儲郎中洵可依以家也遂  
卜今居未幾以疾卒年五十三論者課公天性亢爽  
痛厭世之齷齪忍垢者事多直遂名以是得而謗亦  
隨之然夙負幹局尤習吏事使究其用當必有所樹  
立而僅止乎是知者惜之烏乎孔子曰人之過也各  
於其黨觀過斯知仁矣吾於公有感焉公自爲諸生



虞衡金 卷之九十七  
三十一  
伉直自許羣議攻人輕於一諾遂蒙不韙至落土籍  
及居官奉使知有國法不恤毀譽當商利交征之時  
獨搜刮弊端以賈羣怨察入淵魚亦或有焉而心則  
共且勤矣論者媒孽而指撻之公抗章自辨至于再  
三詞氣俱壯逮權奸當路一言投隙立可甘心於人  
乃退然止縮雖或勸之不爲動也公於是時寧忍一  
時之憤而不欲傷 朝廷之大體寧受終身之玷而  
不欲壞士夫之大節此其心爲何如而凡前日所謂  
過者可一言以釋之矣然則所謂觀過知仁者吾不  
於公有感乎

山西右叅議李景繁傳

朱睦㮮

李景繁字邦泰儀封人也幼而好學器度不羣治朱  
氏詩成化五年舉進士授陝西三原知縣三原多大  
商鬻販淮揚間貲累數萬每昏喪費千金景繁禁之  
使如制逋民歸者復其田廬死者給以棺居數年稍  
遷太僕寺丞改工部營繕主事二十三年遷虞衡員  
外郎尋轉都水郎中管漕河時漕塞自儀真入淮凡  
三百里舟膠不行有詔命都御史暨郎中治景繁獨  
任之募夫八萬人初濬邵伯湖楊子橋三汊河廣皆  
六尺次濬廣陵驛東廣倍於三汊次濬朴樹灣廣三



倍於初次濬儀真瓜洲二壩廣倍於朴樹者三深於舊者各五景繁行瓜洲堤上見東南多沮洳區問土人此何所也曰江潮之匯也景繁導之自古劄港劉家灣入漕渠曰今漕渠非得巨流濟之舟終不可行如值江潮時開壩開恣江北走已卽塞之天復大雨漕事成矣土人曰河亢而江下非壩障之則河水悉倒流入江漕渠益淺都御史而下咸謂李策非善景繁曰江水故平潮至則悍激耳潮退水亦易制也遂下令有司具土暨石潮至大決壩開江水奔漕水聲洶洶如雷景繁乃塞壩閱數日會大雨漕渠水瀾瀾

襄岸舟乃大行河經徐州盪州將啗居人震恐景繁又作石堤河不能爲害弘治六年遷山西右叅議理儲景繁行塞上十年而餉運不闕擢四川右叅政以疾乞致仕歸論曰余聞國初導諸泉合泲汶泗沂之水以益漕漕不告涸後百餘年而泉源湮匿者過半故漕惟資於河河水濁而易淤是以屢通屢塞廷儀之治泉雖重忤人弗計也邦泰導古劄港劉家灣潮至決壩開俾江水奔漕漕於是大利非見明勢力不搖於羣議其功豈易成邪故國威順德由之不可使知之李公之謂也



至其辭聞野云木奔曹曹林長大既非其朋也  
之出泉輟車并人弗指此張泰學古俗教墜家  
姑曹對資林河河水斷而具然長以翼匪翼塞  
水以益曹曹不古風對百斜羊而泉取聖聖青  
決子姪并體備日余聞國師學精泉合州好既  
辭其後林卷二十平而附載不關縣四川亦然  
又非其縣所不道無害也成六年墨山西亦然  
讓軍舟以大江所歸斜州監地殊湖吾人靈其景

胡參議琮傳

文徵明

參議胡公琮字文德蘇之長洲人也成化初舉進士  
為江陵知縣縣隸荊州荆既重鎮而江陵輔邑地大  
物繁民慄悍易動更數令政不治公疏舉博謀隨事  
經理稍用法剪其豪猾不令得肆逾王以近屬橫甚  
其下兵校推埋圍奪尤多無賴公一繩以法無所貸  
王不能堪日夜思構公時時饋食藥以金錢庶幾公  
一顧得以劫持公既端介不可溷則相戒斂戢終公  
去噤不敢為暴湖襄盜發朝廷籍土兵討之夷獠諄  
謾素無紀律推刃劫奪所過警擾公大具牛酒先事



飭其渠率俾爲要東而身自餉終皆厭屬逾望以次受犒去無有譁者居二年徵入爲監察御史以事左遷知黃之麻城亦湖南劇邑民習聞公江陵之政揣恐守法公顧其民淳質可以導化乃不事搏擊一意拊循俗佞鬼鮮知禮義乃毀淫祠表章節孝時時進其父老儒生問民所惡欲而罷行之民用悅服俗以不厚稍遷常德府同知廉方自持頗不與羣僚狎比或言於守曰同知故京朝官豈能爲守下守嘆之公不爲意俄而守爲上官所持公審畫導利卒用計脫守守嘆曰胡同知仁人也而幾失之自是非胡同知

莫與計事大璫自滇還道出湖湘所至笞擊官吏索賂遺公故不爲禮徐召邏卒隨以出若將檢其索裝者璫懼急引去他日有詔括金諸郡檄牒旁午公持不卽下僚屬相繼進說恐閣詔得罪公曰常德郡貧歲且儉矧金非所產又何賦外有徵乎卽罪罪主者不以累諸君也已而詔罷不徵而他郡先有徵發者聞常德事甚愧在常德數年以母憂去再起同知處州處故有礦穴官守之民或他處發地得礦中官卽欲奏籍於官公不可曰愚民偶有所獲旣非故穴其出不常萬一籍官則有常課一不登則將取足於



民民且獲重困我在豈可使吾民重困乎卽上疏言先王之政取於民有制蓋不欲盡民之利也況與民爭利乎其言明切懇至朝廷卒從之在處期年屬時缺守而倦遊矣命滿考赴吏部遂乞致仕時王端懿公主銓彭惠安公爲吏部侍郎素皆知公皆欲慰薦公而公去意堅決遂爲論奏增秩以朝列大夫山西叅議致仕先是公在處州彭惠安以都御史巡視兩浙處爲屬郡常以邑子爲丞者屬公公按黜之惠安不以爲忤反益賢公及是去尤甚惜之戴縉者公同年進士又嘗同爲御史雅相厚善其後戴爲權璫引用攀附驟貴公遂去之而戴念之不衰及公浮湛外僚數致意欲援用公公絕不與通他日以事至戴方爲刑部尚書顯赫用事蹟公所寓躬候之亦避不見蓋公修正疆執不欲附麗匪人故仕中外餘三十年潦倒僅以一郡倅終老林下一時論者或有遺望而公自視乃無不足生平寡與旣歸益事韜匿門庭寂然郡邑大夫往往不知有公弘治間有爲郡守者雅知延禮郡彥於是諸郡彥共請公爲會偶其人被酒許語公卽起馳去恚曰吾本不見時人無事輕出乃爲鼠輩所侮自是掃軌滅跡雖故人親戚亦罕



親接年七十九終於家 論曰雋不疑有言太剛則折而蘇氏非之以爲此鄙夫患失之言也夫剛亦貴有以養之孔子曰張也欲焉得剛惟無欲乃能有養耳以余觀於胡公歷仕郡縣靖共正直必行其志卒用受知當路使其時不卽引去必亦馴致大官可以有爲而剛方嫉惡必不能脂韋取容萬一爲小人所構將舉平生而失之於是乎剛則折矣夫以蕭太傅顏平原之賢又皆爲君上所知而卒皆不免議者猶以其老不知去有以致之然則胡豈獨能剛哉其所以養之者深矣

山西布政使司左叅議韓公邦靖墓志銘

王九思

五泉子者諱邦靖字汝慶同州朝邑縣人也姓韓氏蓋自稱曰五泉子父曰蓮峰先生諱詔宗仕爲按察副使母恭人閻氏蓋弘治戊申正月初一日子時生五泉子是夜恭人夢五色雲中奏咸韶之音已而玉女十餘持蓋擁一童子入室覺而生五泉子五泉子生而靈異三歲而能誦古詩百餘首四歲而能通孝經五歲而讀論語文王至德篇掩卷若有思者蓮峰先生問之對曰卽如是武王非矣八歲而通舉子業



十四而舉于鄉二十一而舉正德戊辰進士予與武功康德涵愛其才推爲庶吉士不果明年己巳拜工部虞衡司主事乃奉部檄十庫監收庫宦官不爲禮五泉子自坐前席宦官怒給曰部尚書至因起撤坐五泉子詰之答曰公無與庫事者止一飯耳五泉子曰然則吾當去矣答曰當署案五泉子曰豈有署案不與庫事者乎竟前席坐署案尋又兼收黑窑廠主廠者宦官厚燕接殷勤之歡五泉子不顧自起視秤分毫無所假宦官雖怒甚然無可柰何未幾抽分浙江市舶去矣先是抽分部使者往往避嫌乃重取於

商爲羨餘以自白五泉子乃下令曰非巨本若竹木成器者不稅稅課舊領府幕官乃奏議寄海政司不與府幕官以部使者侵漁而府幕者易與耳又奏抽分司刑獄宜下按察司以防出入詔皆可故事抽分司餽鎮守太監歲千金是時鎮守劉太監者又谷友用之黨五泉子固不與金劉太監怒久知其爲人不怒愈益敬之會宦者從京師來倚其近幸索抽分錢甚急劉太監從旁勸曰幸無求韓主事我當有以贈公也及代入奏乃課額不足部尚書及工科給事中皆以法劾五泉子亦自劾求罷會國老有知其故者



賴以無事壬申春南北畿內山東河南諸郡盜起  
天子命將征勦工部官例一人前除當前除者數人  
皆懼不敢往言之部尚書有泣下者次不及五泉子  
部尚書知五泉素勇可使數目五泉子五泉子毅然  
請行後亦有天幸不害北歸遷員外郎都水司出奉  
部檄清查直隸山陝諸路歷年班匠銀兩既見其民  
貧乃奏議罷徵是時急於用財不許後以乾清宮災  
竟罷之而 天子於是方以災異下訪求直言者五  
泉子歸上疏曰夫民者樂安而思治惡危而厭亂向  
背之際甚可畏也 陛下卽位以來朝政不修經筵

御盤遊無節狎近羣儉摧折骨鯁之臣閉塞諫誨  
之路百度乖違庶事叢挫府庫空竭閭閻流弊盜賊  
災異荐至迭興危亡之形已成社稷之憂將大頽者  
乾清宮災 陛下下詔求言天下之人莫不祈望以  
爲 陛下翻然改悟轉危爲安也然徒事虛文不修  
實政臣下章奏罔有施行而部官黃體行乃又以言  
罷去天下人心莫不沮喪以爲 陛下遭此大異乃  
復如此是悔悟無期而治安不可望支離不可收也  
夫親離者家散民離者國搖故漢儒有土崩之言先  
哲有搏沙之喻伏望 陛下以社稷爲念將各官章



奏採擇施行前後言官待罪之人并黃體行取回錄  
用于以收既散之人心迂將來之福澤天下國家不  
勝幸甚疏上 天子震怒下錦衣衛獄給事中李君  
鐸率衆論救之乃奪官爲民其後御史師君存智范  
君輅給事中徐君之鸞皆奏起用不果辛巳秋 今  
上卽位起爲山西左叅議分守大同於是感激奮勵  
單車就道革奸平獄權家斂跡然分守道故無印由  
此多弊乃奏議請照提學官事例給關防不報是時  
天子修定策功封爵太濫而高山陽和諸衛軍士  
奉例開墾草場數千餘頃皆爲豪家占種乃前後上

疏論列又皆不報未幾大同歲饑人相食又奏議  
發內帑賑濟不許爲之憮然泣下輟食將再論之  
曰君之心盡矣不從者責有所歸也獨柰何自苦如  
此答曰言而不從自謂已責已盡而委咎於人此詐  
臣之自便而釣名者之爲也復抗疏論列累千餘言  
不報侍郎臧公乃奉經略邊務嘗奏疏薦之而曰臣  
見左叅議邦靖穎秀夙成操心平正問學博洽議論  
淵源使之提學必能率士裨輔治道巡撫都御史楊  
公志學給事中俞君集亦奏薦之皆不報五泉子慮  
舊疾復作乃上疏乞歸于是都御史張公文錦奏留



之而謂宜陞本道兵備副使以慰軍民之望然歸志已決乃復上疏報未下卽行御史朱君寔昌奏疏薦之而曰邦奇邦靖學問自相師友名節交相砥礪乞將邦靖病痊起用邦奇者苑洛子也吏部具奏上報曰如御史議西歸之日軍民遮留道上以萬計號泣不忍舍去五泉子亦爲泣下而嘉靖癸未二月初十日抵家於是謁孔子廟揖縣令拜先隴牲見於祠堂稱觴壽母與諸兄弟燕會終日甚樂也乃十八日病損食不豫苑洛子爲迎醫甚衆乃愈益病四月初十日衣冠如平生呼苑洛子曰我其逝矣十九日必大

雷雨卽爲我戒衣衾又曰告君之歸在是月二十一日我強待之好作忌辰也十九日果大雷雨苑洛子爲正冠然已不能語而搖首苑洛子泣曰待二十一日乎乃首之及二十日而苑洛子復問曰歸在明日乎不應苑洛子痛泣曰吾弟力不支矣又首之已而果卒距其生蓋三十六歲云配安人屈氏生一女無子以族子仲譜後自五泉子卒後太恭人泣之不已苑洛子廢寢食泣蓋其平日孝父母者甚至終身不違顏色蓮峰先生病寢處其側者四月餘及卒哀毀幾死其事伯兄縣令君邦彥及苑洛子及處其弟國



子君邦翊極兄弟骨肉之愛有朋友忠告之益又嘗  
爲其姊李孺人吮疽鄉人蓋嘗立碑表其孝友云而  
其愛民之仁律已之廉食用之儉細行之必矜臨事  
應接之敏其事皆可書者不具書其在浙得代歸而  
同年趙推官者以屈安人病無子買女婢遺之拒不  
受趙曰此越女有色者笑曰政恐若此耳此人所難  
能者書之爲世楷法銘曰予在京師見五泉子七言  
絕句詩類杜子美及罷歸爲予誦其古歌辭浸淫唐  
初通漢魏矣觀朝邑志其亦文章之洪麗乎夷考其  
行蓋曠世之英全德之士也乃不壽死

嗚呼天耶孰  
爲五泉子耶

### 按察使楊公基傳

楊基字孟載其先蜀人大父宦游江左而基生吳中  
遂家焉穎敏絕人九歲能背誦六經著書十萬餘言  
名曰論鑒試儀曹不利會天下亂歸隱於吳之赤山  
張士誠時辟爲丞相府記室未幾辭去又客饒介所  
王師下江南籍錄諸陪臣基以饒氏客安置臨濠旋  
徙河南洪武二年放歸尋起爲滎陽知縣謫居鍾離  
久之被薦爲江西行省幕官以省臣得罪落職六年  
又起奉使湖廣召還授兵部員外郎出爲山西按察  
副使進按察使後被讒奪職供役卒于京基尤工於



詩初會稽楊維禎客松江往來吳中以詩自豪基嘗  
於坐上賦鐵笛歌維禎驚喜與俱東語所從曰吾在  
吳又得一鐵來矣若曹就之學優於老鐵學也至正  
洪武之際與高啓張羽徐賁齊名號吳中四傑所著  
有眉菴集

山西按察使徐公永達墓表


楊溥

公徐姓諱永達字志道世傳唐侍御史有功後晉祖  
仲明祖景讓考子昭世有善譽母苑氏儒家女公幼  
學敏悟好讀書入鄉校習舉子業洪武丙子秋中河  
南鄉試魁年甚少人多奇之明年春陞太學戊寅授  
陝西同官縣學教諭後調湖廣之宜章以外艱去服  
闋調鳳翔之寶雞永樂庚子以薦驛召至京授翰林  
編修侍 皇太孫讀書甲辰 宣宗正位東宮陞右  
春坊右中允明年得推恩父母妻室 宣宗卽位陞  
鴻臚少卿使交趾陞卿庚戌調湖廣按察使以內艱



去乙卯奪情改山西賜璽書遣之公居鄉校屠太學  
知尊師取友所與交接者皆敬愛之典教三邑自謂  
師道不易稱禮致宿儒講明經義以求精到從游之  
士多底成效居顯要者有其人在寶雞九年考滿請  
坐奏留之嘗為四川鄉試考官去取有公論總修陝  
西誌書事有條理人服其學識陞翰林侍經筵再遷  
春坊職輔導從事惟謹在鴻臚恪守禮典奉職無虞  
調湖廣山西達風憲大體劾奏苛暴擒捕奸貪不避  
強禦公孝友母老不能就養請分俸於家恩賜金幣  
必先奉母居喪守禮處兄弟和睦居官守廉嘗撻節

王國行冊封禮王所與鞍馬金幣襲衣皆辭不受奉  
使交趾諭酋長者三所贈貨寶直千金毫髮無所取  
官舍蕭條無異寒士及卒棺資不能具壽六十有四  
配張氏克甘清澹公無內顧之憂嗚呼士君子遭際  
為難歿世有聞為尤難公以經術由師儒薦登禁近  
出掌一道風紀足以行其志遭際四十餘年操行廉  
介始終不渝夫豈聲音笑貌所能為哉士論居官有  
守者未嘗不稱公宜有聞於歿世也予故以是表其  
墓云





唐律金

卷之九

七

Faint, illegible text, likely bleed-through from the reverse side of the page.



